

her hat und dy von andern heren czu lehen gen. Ouch hat her ir globt, was si bescheit iren kinden odir czu selgerete, daz her ir das gunnen sal, und hat sin willen darczu gegeben. Actum anno domini M° CCC° LXXX° sabbato post viti.

## 56.

1380 Juni 23

### ***Clara Schakan vermacht ihrem Ehemann der dritten Teil ihrer Güter.***

*fol. 10v* Wisset das Clara Schakanyn hat Hanse von Wida, irme elichin wirte, iren dritteil uf gelasen mit guten willen an allen den guten, dy si hat und angefallen mag, dy von dem rate czu lehen gen. Actum anno domini M° CCC° LXXX° in vigilia Johannis baptiste.

## 57.

1380 Juli 5

### ***Jekel Crymptschauer verkauft ein Stück Acker.***

*fol. 10v* Wisset das Jekel Crympczower hat Herman Salvelde eyn stucke ackers vorkauft czu eyme rechten erbe, das hinder Osterwin lit<sup>a)</sup> und von dem rate czu lehen get und hat ym daz vor uns ufgelassen recht und redelich czu eyme rechten erbe, daz sine erben kein recht nach ansprache daran nymmer gehaben sullen. Actum anno domini M° CCC° LXXX° feria quinta post Udalrici.

*a) über die Zeile geschrieben*

## 58.

1380 Juli 21

### ***Cunrad Lomberg verkauft ein Viertel einer Wiese.***

*fol. 11r* Wisset das Cunrad Lomberg hat Peter Gerharte eyn virteil eyner wisen vorkauft czu eyme rechten erbe, dy hinder Pelwicz gelegin ist und von dem rate czu lehen get. Actum anno domini M° CCC° LXXX° sabbato ante festum Jacobi.